



ԺԱՆ-ՄԻՇԵԼ ԹԻԵՐԻ

ՍԵՊՈՒՆ ԼԵՌԱՆ ՀՈՒԾԱՐՁԱՆՆԵՐԸ (հնագիտական ուսումնասիրություն)

Սեպուր լեռը գտնվում է Արևելյան Անատոլիայում: Դա արևմուտքից արևելք ձգված երկարավուն թերթաքարային մի լեռնազանգված է, որի քարձրությունը հասնում է 3031 մետրի կարադաղում:

Սեպուր անվանումը երևան է գալիս միջին դարերում միայն: Հին հեղինակները նրա մասին խոսում են որպես Մանեի քարանձավների լեռ¹: Այս լեռը երբեմն հիշատակվել է նաև «Գոհանամ լեռոն» (–Քեհնամ դաղ) անունով, սակայն ներկայումս լայնորեն տարածված է Կարսուդաղ (Սև լեռ) անունը:

Հակառակ իր ներկայացրած պատմական կարևորությանը, այս շրջանը մնացել է գրեթե չհետազոտված: Հովհաննես Դրասխանակերտցի կաթողիկոսը ժ դարի սկզբին այս շրջանում կատարած իր մի ուխտագնացության մասին թողել է գունագեղ, կենդանի և ճշգրիտ մի նկարագրություն: ԺԹ դարում այստեղ են այցելել Է. Բորեն², Դ. Հակոբյանցը, Է. Փերտահյան եպիսկոպոսը և Գ. Սյուրմենյանը³, որոնք բոլորն էլ, բացի մի քանի ժլատ տողերից, ոչ մի ուշագրավ ուսումնասիրություն չեն նվիրել այս շրջանի հուշարձաններին: Այդ մասին կան միայն առանձին կարճ նշմարներ և համառոտ տեղեկություններ հավաքածո երկերում⁴:

Պատմական տվյալներ.

Սեպուր լեռը գտնվում է պատմական Բարձր Հայք նահանգում, Դարանաղյաց և Եկեղյաց գավառների սահմանին, որոնցից առաջինի կենտրոնն էր Կամախ (Անի) քաղաքը, իսկ երկրորդինը՝ Երեզը (Երզնկա), ինչպիսին է պարագան նաև այսօր⁵:

Քրիստոնեության մուտքից դեռ շատ առաջ այս շրջանը եղել է մշակութային կարևոր կենտրոն: Արտաշես Ա թագավորը (123—94 Ն. Ք.?) նպատակ էր ունեցել հունական տաճարներից բերված աստվածների և աստվածուհիների մի քանի արձաններ կանգնեցնել Հայաստանում: Նրա որդին՝ Մեծն Տիգրանը⁶, քաղմաթիվ մեհյաններ կառուցեց Անիում, Թիլում, Երեզում, Թորդանում:

Գրիգոր Լուսավորիչն ու Տրդատ թագավորը կործանեցին հեթանոսական տաճարները և խորտակեցին նրանցում գտնվող արձանները, իսկ մեհենական բոլոր կավածքները տվեցին Եկեղեցուն:

Սեպուր լեռը ապաստան ծառայեց Մանե կույսին և սուրբ Գրիգոր Լուսավորչին, Թորդանը դարձավ պանթեոն արքայական

⁵ Հեղինակը հետևել է Խորենացու հաղորդած տվյալներին: ԽՄԲ:

և հայրապետական ընտանիքների համար, իսկ Թիլում պատապարվեցին սուրբ Գրիգորի ուղի Արիստակեսի (Մովսես Խորենացի, Գ, էջ 91. Փավստոս Բուզանդ, Գ, էջ 2) և Մեծն Ներսես Հայրապետի շիրիմները (նույնը, Ե, էջ 24): Եկեղեցուն տրված որոշ կավածքներ վերջում, անկասկած, դարձան սուրբ Գրիգորի և նրա ընտանիքի սեփականությունը, որովհետև գիտենք, որ նրան էր պատկանում Թիլ մեծ ավանը, ինչպես նաև մի այգի-գրոսարան Թորդանում: Հեթանոսական այս բոլոր վայրերի քրիստոնեացումով Սեպուհ լեռը դարձավ նոր կրոնի մի մեծ սրբատեղի, որ Գրիգոր Դարանաղցին ԺԷ դարում համաժամատու էր Երուսաղեմի հետ և մեծ ոգևորությամբ նրա գովքն էր հյուսում որպես մի նոր Թեբայիդա⁶:

Բյուզանդական կայսրության շրջանում արաբական ասպատակություններն ու հունական հակահարձակումները փաստորեն դադար չունեցան վեցից մինչև իններորդ դարերը⁷: Սրանով է բացատրվում մատենագրական աղբյուրների բացակայությունը վաղ միջնադարի ամբողջ ընթացքում, սակայն մասամբ միայն, որովհետև հետագա մոտ երկու դարերում էլ դեռ, հակառակ վերահաստատման խաղաղությանը, կարելի էր ոչ մի տեղեկություն չի հասել մեզ այս շրջանի մասին:

Անատոլիայից բյուզանդացիների վտարվելուց հետո (1071 թ.) սկսվում է քաղաքական անկայունության երկարատև մի շրջան մահմեդական զանազան ցեղերի ու քաղաքական խմբակցությունների միջև: Մինչև 1228 թվականը երկրի տերերն են դառնում Մենգլուչեք թուրքերը, որոնց ձեռքից իշխանությունը խլում են Ռումի սելյուկները՝ ջախջախելով Խուարեզմի սուլթան Ջեյա-Էդդինի բանակները, որոնք հրի ու սրի էին մատնել ամբողջ Երզնկայի շրջանը⁸: Մոտ 20 տարի հետո, 1243 թվականին մոնղոլները երկրում հաստատում են իրենց գերիշխանությունը: Եթե դատելու լինենք ձեռագրերի այն մեծ քանակությունից, որ մեզ է հասել այս շրջանից և այս ժամանակահատվածից, ապա պետք է ենթադրել, որ տեղի հայկական համայնքները շատ վնասներ և նեղություններ չեն կրել այս իրադարձություններից: Սեպուհ լեռը եղել է նույնիսկ մշակութային կենտրոն, որտեղ մեծ հռչակի են հասել բազմաթիվ վարդապետներ:

Ավելի ուշ, մի տեսակ անիշխանություն է տիրում ամբողջ երկրում: Մոնղոլ խաների ձեռքից մեծ դժվարությամբ իշխանությունը խլում են Էրեւնիդները: Այնուհետև երկիրն ընկնում է Կարակոյունլու և Ակկոյունլու թուրքական ցեղերի գերիշխանության տակ: Հիշատակարաններից գիտենք, որ 1425 և ապա 1439 թվականներին այս վերջինները հրո ճարակ են դարձնում բազմաթիվ վանքեր⁹, իսկ 1450 թվականին Կարակոյունլու Ջիհանշահը ավերում է երկիրը և կալանավորում ու գերի տանում մեծ թվով հայերի¹⁰: Ջարմանայի է հետևաբար հաստատել, որ վանական կյանքն ու գործունեությունը (կառուցումներ, ձեռագրատներ) կարողացել են գոյատևել ու զարգանալ մեծ պայմաններում: ԺԵ դարում ևս, ինչպես ԺԳ դարում, Սեպուհ լեռն վարդապետարանները գտնվում էին ծաղկում վիճակում: Պետք է նշել, որ վերը հիշատակված ռազմական իրադարձությունները, թեև անմարդկային ու վայրագ, մասնակի երևույթներ էին մնում, և որ Ակկոյունլուները հաճախ ցուցաբերում էին համեմատաբար բարյացակամ վերաբերմունք քրիստոնյաների նկատմամբ:

1514 թվականին Դարանաղաց գավառը վերջնականապես միացվում է Օսմանյան կայսրությանը, և երկար ժամանակ այնտեղ տիրում է խաղաղ գոյալիճակ, եթե չհաշվենք ԺԷ և հատկապես ԺԸ դարերում Ջալալիների կողմից գործադրված որոշ հարստահարություններն ու կեղեքումները¹¹: Ընդհանուր առմամբ, թվում է, որ պատերազմական և քաղաքական իրադարձությունները, որոնք միջին դարերում, ինչպես և արդի ժամանակներում, իրար հաջորդեցին Անատոլիայում, թույլ արձագանք գտան այս սուրբ լեռան վրա, որը հաղորդակցական մեծ ճանապարհներից դուրս գտնվելով՝ ապրում էր հայկական քրիստոնեության ամենահեռավոր անցյալի հիշատակով:

Սեպուհ լեռան վրա մեր կատարած երկու ճանապարհորդությունների ընթացքում մենք կարողացանք այցելել և ուսումնասիրել բազմաթիվ հուշարձաններ: Մենք հաստատեցինք, որ Թիլի, Սոխայի և Ծճանառիճի վանքերը ամբողջապես անհետացել են: Այնուամենայնիվ չենք կարող հավակնել, թե մենք հիմնովին և սպառնիչ կերպով ուսումնասիրել ենք տեղանքը: Հնարավոր է, որ այլ շինություններ դեռևս մնում են թաքնված լեռան դժվարամատչելի մասերում: Այստեղ մենք տալիս ենք մեր հետազոտությունների արդյունքը՝ կցելով դրան հնագիտական և պատմական համառոտ մի մեկնաբանություն¹²:

ՄԵԾ ՍՈՒՐԲ ԼՈՒՍԱՎՈՐԶԻ ՎԱՆՔ

Այս վանքը ծանոթ է եղել նաև Հանգիստ Լուսավորչի վանք, Սեպուհի վանք, Մանեի

Այրիվանք, Գառնիկավանք անուններով: Տեղի մասնեղականները այն կոչում են 2անկյորը վանք (զանգակով) վանք):

Վանքը գտնվում է շուրջ 2600 մետր բարձրություն ունեցող մի լեռնագագաթի վրա: Կարսադաղի այդ լեռնագագաթը հարավային կողմից ընդհուպ մոտենում է Դոտնակալեի սրածայր կատարին¹⁴ և իշխում կրաքարե պատերով շրջափակված մի հեղեղատի վրա: Պատերի մեջ փորված են բազմաթիվ քարանձավներ:

Պատմական տվյալներ

Վանքի պատմությունը հիմնականում հյուսված է ավանդություններով, որովհետև պակասում են արձանագրային տեղեկություններ, իսկ մատենագրական հազվագյուտ աղբյուրներն էլ կասկածելի են:

Ինչ վերաբերում է վանքի տեղանքի կամ նրա անմիջական շրջակայքի շուրջ հյուսված ավանդություններին, ապա դրանցից կարող ենք առանձնացնել չորսը.

1. Մանեի առանձնացումը և նրա մահը

Այս մասին ամենից ավելի տարածված և ընդունելի գրույցը Մովսես Խորենացու հիշատակած գրույցն է (Բ, էջ 91): Մանեն, որը սուրբ Հռիփսիմյանց խմբի անդամներից մեկն էր, չգնաց նույն ճանապարհով, որով գնացել էին մյուս կույսերը: Նա բռնակվեց այս լեռան վրա, մի քարայրում, և դրա համար էլ լեռը կոչվեց Մանեի քարայրի լեռ: Սուրբ Հռիփսիմյանց պատմության մեջ դեռատի կույսերը անցնում են Դարանադյաց գավառից և բնակություն հաստատում Սեպուհ լեռան գաղտնի խորշերից մեկում, որը կոչվում է Մանեի այր: Ագաթանգեղոսի Պատմության Քասունու տարբերակի մեջ հիշատակված գրույցի համաձայն, Վաղարշապատում Հռիփսիմյանց կույսերի նահատակության ժամանակ է, որ Մանեին հաջողվում է փախուստ տալ դահիճների ձեռքից և ապաստանել Սեպուհ լեռան վրա:

2. Սուրբ Գրիգորի առանձնացումը և նրա մահը

Ավանդական միամսն աղբյուրներ չկան սուրբ Գրիգորի առանձնացման ճշգրիտ վայրի, տեղության, ինչպես նաև նրա զբաղմունքի և Մանեի այրում նրա բնակության պայմանների մասին: Առանձնացման վայրը հատկապես չի ճշտված Ագաթանգեղոսի կողմից (Ագ. էջ 157—159): Ըստ Մովսես Խորենացու (Բ, էջ 91), նա

Մանեի այրում ապրել է նրա մահից հետո, սակայն ըստ Հովհաննես Դրասխանակերտցու կողմից հիշատակված մի ավանդության, նա հաճույքով բնակվում էր Թորդանում իրեն պատկանող հացիների մի անտառում: Ասում էին նաև, որ նա բնակվել է գիհի մի ծառի արմատների միջև, և որ այդ ծառը աճել է այն լեռնագագաթի վրա, որտեղ այժմ գտնվում է վանքը¹⁵:

Սուրբ Գրիգոր Լուսավորչի մահը ոչ ոք չի իմացել: Նա վախճանվել է անհայտության մեջ 325—330 թվականների միջև և թաղվել լեռնական հովիվների կողմից¹⁶:

3. Տրդատ թագավորի այցելությունը սուրբ Գրիգորին և նրա մահը

Ըստ Վարդան Արևելցու, Տրդատ թագավորը գնացել է Գրիգորին տեսնելու Սեպուհ լեռան վրա¹⁶: Նա ներկայացել է սրբին և նրան հանձնել ՀԱՎՀԱԼԻ կոչվող իր սուրը, որ նա նվեր էր ստացել Կոստանդին կայսրից: Գրիգորն օրհնել է սուրը, ապա այն կախ գցել օդում՝ ասելով, որ այդ սուրը պիտի ծառայի որպես նշան միաբանության, սակայն, մինչ այդ, նա կդադարի տեսանելի լինելուց և կերևա միայն նրանց, ովքեր արժանի կլինեն նրան¹⁷: Ըստ մի այլ ավանդության, Սեպուհ լեռան վրա է, որ Տրդատ թագավորը, յուրայիններից դավաճանված, մահացել է թունավորվելով:

4. Գրիգորի մասունքների հայտնաբերումը

Գոյություն ունեցող մի ավանդության համաձայն, Յոռնիկ (Բասեն) գյուղի մի բնակիչ՝ Գառնիկ անունով մի ճգնավոր, մի տեսիլքի միջոցով հայտնաբերել է սուրբ Գրիգորի անհայտ մասունքները ամենայն հավանականությամբ Ե դարի վերջերին¹⁸ և դրանք տեղափոխել Թորդան: Հետագայում հայտնաբերման վայրում կանգնեցրել են մի վկայարան:

Ի տարբերություն դարերով պահպանված և ավանդաբար ճոխացված ժողովրդական այս գրույցների առատության, վանքի պատմական անցյալը շատ աղքատ է: Այդ անցյալի վրա լույս է սփռվում միայն Ժ դարի սկզբին, երբ, շուրջ 921 թվականին, Հովհաննես Դրասխանակերտցի կաթողիկոսը մի ուխտագնացություն է կատարում դեպի Մանեի և Սուրբ Գրիգորի այրը և այդ առթիվ նշում, որ ինքը կառուցել է տվել այնտեղ մի «հոյակապ եկեղեցի»: Դա, հավանաբար, այն եկեղեցին է, որը գոյություն ունի դեռ և գտնվում է գլխավոր եկեղեցուց դեպի ներքև¹⁹: Այս ժամանա-

կաշրջանից սկսած մինչև ԺԵ դարը, վաճառք, հասկառակ իր բարձր և մեկուսացած դիրքին, թվում է, թե եղել է ուսումնական կարևոր կենտրոն։ Հովհաննես Պյուզ հըռ-չակավոր վարդապետը (1250—1326) այս վաճառքում է ստացել իր ուսումը և ապա այստեղ է վերադարձել՝ ավարտելու իր կյանքի վերջին օրերը։ Վաճառքն կից գոյություն է ունեցել մի ձեռագրատուն, որտեղ աշխույժ գործունեություն է ծավալվել գլխավորապես ԺԳ դարի սկզբին և ԺԵ դարի առաջին կեսին։ 1439 թվականին վաճառքը կողոպտվել է Ակոյունլուների կողմից, իսկ միաբանությունը ցրվել է մի որոշ ժամանակ²⁰։

ԺԶ դարում վաճառքի գործունեությունը զնալով թուլանում է, և թվում է, թե այդ շրջանում գտնվող քաղաքի վեհաժողովը կա՛մ կործանվել են, կա՛մ օգտագործվել այլ նպատակներով։ Մի դար հետո վաճառքն ամբողջապես անկում է ապրում այդ վայրերում վիստացող Զալալի ելուզակների նյութած գաղտնի դավերի հետևանքով, բայց առավել ևս այն պատճառով անկասկած, որ վաճառքները ձանձրացել էին այլևս պարկեղյոց այնպիսի մի վայրում, որ անընդհատ ծեծվում էր փոթորիկներից, իսկ ձմռանը թաղվում ձյան տակ։ Այնուամենայնիվ, երբեմն մի եռանդուն վաճառքի ազդեցության շնորհիվ, վաճառքում միաժամանակ տիրում էր որոշ աշխուժություն։ Հավանական չի թվում, որ վաճառքը տևապես լքված վիճակում է մնացել, հակառակ թրդերի հարձակումների 1895 թվականին։ Մեն ավերներ է գործել 1939 թվականին այդ շրջանում տեղի ունեցած երկրաշարժը։

Վաճառքի նկարագրությունը

Վաճառքում դեռևս պահպանված են ապառաժուտ լեռան գագաթին թառած սուրբ Լուսավորչի անվան մեն դամբարան-եկեղեցին, իսկ դեպի ներքև՝ Սուրբ վրկիչ փոքրիկ եկեղեցին՝ երկուսն էլ վնասված։ Մենք հաջորդաբար կնկարագրենք դրանք՝ այնուհետև մի քանի բառ էլ նվիրելով անհետացած կամ անմատչելի տեղերում գրեթե անհայտ մյուս ուխտավայրերին։

Ա. ՍՈՒՐԲ ԼՈՒՍԱՎՈՐՉԻ ԴԱՄԲԱՐԱՆ-ԵԿԵԼԵՑԻՆ (ՀԱՆԳԻՍՏ ԼՈՒՍԱՎՈՐՉԻ)²¹

Այս եկեղեցին համալիրային մի շինություն է, որ ընդհանուր առմամբ հիշեցնում է եռանավ քաղիկիկա։ Իմանալու համար, թե նա ինչպիսի կառուցվածք ունի, հարկավոր է տարբերել երկու առանձին մասեր։

ա. Արևմտյան մասը բաղկացած է երեք մասերից, որոնք գույգ պլանաչարի միջոցով բաժանված են երեք ընդլայնված հատվածների, որոնցից արևմտյանը մի փոքր ավելի ընդարձակ է, քան մյուս երկուսը։ Երեք մասերը միմյանցից բաժանված են կիսաշրջանակաձև կամարներով, որոնք հենվում են գլանաձև սյուների վրա՝ միջնորդված կողովաձև խոյակներով, որոնք կազմված են երկու շրջանակաձև գլաններից և խորանարդաձև հարթ վերնախարսխից, որն իր ներքևի անկյունների երեսին կրում է մի տեսակ ծայրատված բրգաձև առագաստ (քանդակված խաղողի ողկույձ արդյոք)։ Կենտրոնական մասը որոշապես ավելի լայն է, քան կողմնական մասերը։ Մասերից յուրաքանչյուրը ծածկված է կիսաբոլորակաձև թաղով՝ ամրացված հենակամարներով, որոնք հենվում են պատերից դուրս երկարող որմնասյուների և ազատ մույթերի վրա։ Կողմնական թաղերը ավելի ցածր են, քան կենտրոնական թաղը։

Արևելյան ծայրին բացվում է կիսաբոլորակաձև մի արսիդ՝ կողքերին երկու կամարակապ միջանցքներ և դրանց կից երկու ավանդատներ։

Կառույցը լուսավորվել է աղեղնաձև լայն բացված վեց պատուհաններով, որոնցից յուրաքանչյուրը բացվում է արտաքին պատերի ամեն մեկ հատվածում։ Դրանք դրսից նեղանալով՝ փոքր լուսանցույցների տեսք են ընդունում։ Դուռը բացվում է արևմտյան պատի մեջ կամարաձև մի լայն բարավորով, որի սպիտակավուն քարերը հակադրություն են կազմում մութ գույնի միջնորմի հետ։

Երկու որմնամույթերը ընդգծված են ճշգրիտ տաշված իրենց անկյան վրա դուրս ցցված կիսագլանաձև մի զարդաքանդակով, որի ներքևի մասը ընդհատված է մի կտրվածքով։ Դա ուշ շրջանի ոճով հորինված մի աշխատանք է, ինչպես երկու կողմերից իրար ազուցված փոքրիկ խաչքարերը։ Կառույցը իրականացված է կիսով չավի սոբատաշ քարերով և ամրացված է շաղախով։ Ծածկը հարթ տանիք է և միամաս կերպով ծածկում է կենտրոնական և կողմնական թևերը։

բ. Կառույցի արևելյան մասը կազմված է մեկ կենտրոնական մատուռից և կից երկու կողմնական ավանդատներից։

1. Կենտրոնական մատուռը բաղկացած է երկու մասից։

— Արևմտյան քառանկյունի մասը կազմում է բեմը և ծածկված է եղել այժմ փոփեյած մի գմբեթով, հավանաբար առանց թմբուկի²², որը հենված է եղել գմբեթակիր

կամարների վրա խոյակների միջոցով, որոնց հորինվածքը այժմ հնարավոր չէ ճշտությամբ որոշել քարի մաշված լինելու պատճառով: Կամարների միջև եղած տարածությունները լցված են առագաստներով: Այս մասը արևմտյան կողմից դուրս է գալիս նախապես նկարագրված բազիլիկայի արսիդի խորքը՝ դեպի հարավ թեթևապես լայնացած մի միջանցքով, իսկ կողքից՝ դեպի հարավային կից ավանդատումը ցածրադիր մի միջանցքով²²:

— Արևելյան մասը կազմված է դրսի կողմից շեշտված կիսագմբեթաձև մի արսիդից և լուսավորված է ներքևից առիշեղ լայնացած մի նեղ լուսամուտով, որի վրա դրսի կողմից քանդակված է երկու ոլորաձև եզրերով մի վերնակամար:

Այս կենտրոնական մատուռի կառուցումը, հակառակ չափազանց դժվարին աշխատանք պահանջող շինանյութերի օգտագործման, իրականացված է խնամքով և կանոնավորությամբ: Նրա դիրքը և կառուցվածքը շատ նման են մի վկայարանի, և վստահաբար այստեղ է եղել Լուսավորչի գերեզմանը:

2. Կողմնական երկու կից ավանդատները թաղածածկ են՝ ամրացված մեկ հենակամարով: Այս ավանդատները, լինելով շատ լայն, որոշակի կերպով դուրս են գալիս բազիլիկայի կողմնական սահմաններից և վերջանում են կիսաշրջանակաձև մի արսիդով, որի մեջ փորված են առիշեղ լայնացող երկու լուսամուտներ: Կողմնական ավանդատների արևմտյան ծայրը լայնորեն բացված է եղել մի մեծ կամարաշարքի տակ, որի արտաքին կեսը, ինչպես այն հստակորեն երևում է դրսից, հետագայում է որմնափակված:

Սրանց կառուցվածքն անհամեմատ ավելի կոպիտ է, քան կենտրոնական մատուռինը, և ծածկը իրականացված է մի պարզ որմնաեղ քիվով՝ գրեթե հորիզոնական: Թե ինչի են ծառայել այս ավանդատները, հայտնի չէ: Պարզ է, որ սրանք ժամանակակից չեն ո՛չ կենտրոնական մատուռին (զգալի է շինության որակի տարբերությունը և մանավանդ ակնհայտ է նրանց անջատումը եկեղեցու գլխակողմում, որտեղ արսիդը չի գրավում պատի և կենտրոնական մատուռի ամբողջ տարածությունը), ո՛չ էլ բազիլիկային (որովհետև այդ դեպքում ինչո՞վ հնարավոր կլիներ բացատրել արևմտյան կամարաշարքի առկայությունը): Մնում է ենթադրել, որ դրանք կենտրոնական մատուռի երկու կողքերին տեղակայված մի տեսակ իվան-ներ են՝ մի քիչ նման Ալայազի Զորաց (կամ Ս. Ստեփանոս) եկեղեցուն՝ Սյունիքում²⁴ (ԺԳ

դար), սակայն հավատացյալներին գրեթե քաջ օդում մնալու դատապարտող այս կարգի շինությունը եթե տանելի է Վայոց Ձորի տաք հովիտներում, ապա բնավ ըմբռնելի չէ ավելի քան 2500 մետր բարձրության վրա:

Տիպաբանական վերլուծություն և թվագրման փորձ

1. Սուրբ Գրիգոր Լուսավորչի վկայարանը (կենտրոնական մատուռ) մտնում է քառակուսու վրա բարձրացված պարզ գմբեթների տիպաբանական շրջանակի մեջ, որը գմբեթների հենման հարցի «նախնական մի լուծում» է: Այս կարգի օրինակները քիչ, բայց բոլորն էլ հին են. այդպիսին է Սամատավրոյում (Վրաստան) Միրան թագավորի մատուռ կոչվածը, որը վերագրվում է Դ դարին: Այդպիսիք են 400 թվականին կառուցված Ողջաբերդի եկեղեցին Այրարատյան մահանգում և է դարին վերագրվող Լանջաղբյուրի Փառարի վանքը Սյունիքում: Արսիդի կլորավուն եզրագիծը և կամարաշարքի զարդաբանակը թույլ են տալիս մեզ Լուսավորչի այս վկայարանը թվագրելու ամենաուշը որպես 2 դարի կառույց:

2. Կողմնական ավանդատները, մեզ թվում է, նման են եղել, ինչպես վերևում նշեցինք, Ալայազի եկեղեցու տիպին մոտ իվան-ների: Արդարև, նկատի ունենալով դրանց չափերը և արսիդների խորությունը, չենք կարող դրանք համարել սյունաշար արսիդներ, ինչպիսիք կան որոշ ճեմասրահ վկայարաններում:

3. Այս բազիլիկան իր ամփոփվածությամբ, սյուների առկայությամբ, իր սկզբնական առատ լուսավորվածությամբ մոտենում է Ժ—ԺԱ դարերի բյուզանդական բազիլիկաների օրինակին, ինչպիսիք են Գուդին և Սկիրոսը²⁵: Չենք կարող միաժամանակ ամբողջապես մերժել այն վարկածը, որ եկեղեցին կարող է և ավելի ուշ շրջանի մի շինություն եղած լինել, բայց ոչ ավելի ուշ, քան ԺԵ դարը՝ նկատի ունենալով վանքի հետագա լքյալ վիճակը:

Բ. ՍՈՒՐԲ ԱՄԵՆԱՓՐԿԻՉ ԵԿԵՂԵՑԻՆ

Եկեղեցու ճարտարապետությունը

Այս փոքրիկ շինությունը գտնվում է նախորդի հյուսիս-արևելյան կողմը, նրանից ավելի ներքև: Սա գմբեթավոր մի նավ է՝ ներգծված ուղղանկյան մեջ: Գմբեթը գրավում է կամարի համարյա ամբողջ տարածությունը և հենված է մույթերի վրա նըս-

տած կամարների վրա, որոնց արանքում կան առագաստներ: Գլանաձև թմբուկը լրիվ քանդված է²⁶: Աքսիդը կիսաքոլորակ է: Երեք պատուհաններ՝ հյուսիսից, արևելքից և հարավից, լուսավորում են եկեղեցին: Դուռը բացվում է հարավային՝ պատից՝ հարավ-արևմտյան անկյան մոտ:

Եկեղեցու շինությունը կոպիտ է. այն կառուցված է տարբեր տրամաչափի քարաբեկորներով, որոնք իրար միացած են փխրուն շաղախով: Չկա ոչ մի զարդաքանդակ, բացի գմբեթակիր խոյակների զարդաքանդակից: Այս խոյակները կազմված են ոչ շատ հաստ վերնախարիսիից, որի վրա կա Հայաստանում շատ հազվագյուտ կողովաձև մի զարդաքանդակ:

Մի քանի մետր հեռու, դեպի հարավ, կա առատահոս մի սառնաղբյուր, որ վըստահաբար «Բարենհամ» կոչված այն սըրքազան աղբյուրն է, որը, ըստ Ներսես Ծնորհալու հիշատակած ավանդության, Սուրբ Գրիգոր Լուսավորիչն է բխեցրել:

Թվագրում և ճշգրտում

Եկեղեցու տիպաբանությունը (գմբեթավոր մավ) և արխիտեկտոնիկան (կլոր թմբուկ և խոյակների ձևավորում) թույլ են տալիս այս հուշարձանը թվագրել որպես ժ. կամ ԺԱ դարի կառույց: Տրամաբանական կլիմի, հետևաբար, ենթադրել, որ սա հենց այն եկեղեցին է, որ Հովհաննես Դրասխանակերտցի կաթողիկոսը կառուցել է տվել այս կողմերում²⁷: Կաթողիկոսը չի ասում, թե ում էր նվիրված եկեղեցին, սակայն, ըստ հիշատակարանների, շատ հավանական է, որ այն գտնվում էր Ամենափրկչի հովանավորության ներքո:

Սուրբ քարանձավները գտնվում են ավելի ներքև, Ամենափրկիչ եկեղեցու հարավ-արևելյան կողմում: Դրանք փորված են կրաքարային մի քարձր պատի մեջ՝ մի տեսակ երկամիստ անկյան մակարդակի վրա: Գլխավոր քարանձավը, որը հավանաբար Մանեի քարանձավն է, այժմ դժվարամատչելի և շատ վտանգավոր է դարձել տեղի ունեցած փլուզման հետևանքով:

Թորդանի ինը գերեզմանների վանքը

Թորդան գյուղը (Դոխան քոյ) գտնվում է Յուշքարդեն Թեփե կոչված լեռան հարավային գագաթափերին: Եկեղեցին գյուղի կենտրոնում է և շրջապատված է շենքերով:

Պատմական տվյալներ

Ազաթանգեղոսի գրքի խմբագրություններից մեկում նշված է, որ Հերակլիոս

կայսրը գրավեց Թորդան ավանը 625 թվականին և «Գրիգորի գերեզմանի վրա կառուցեց մի հույակապ եկեղեցի»²⁸: Եկեղեցու թմբուկի և գմբեթի ծածկի տեսքը ենթադրել է տալիս, որ այն վերանորոգվել է ոչ ժամանակներում, հավանաբար 1885 թվականին²⁹:

Նկարագրություն

Եկեղեցին պահպանված է բավականին լավ վիճակում, բայց չափազանց դժվար է այն ուսումնասիրել նրա շուրջը կառուցված ժամանակակից շենքերի և եկեղեցու ներքնամասը խափանող հաստ գերանների պատճառով: Մեր կազմած հատակագծի որակը որոշ չափով տուժեց այդ կարգի գանազան արգելքների հետևանքով:

Ճարտարապետություն

Ըստ հատակագծի, եկեղեցին կիսով չափ դուրս երկարած մի եռախորան է: Կենտրոնական քառակուսին սահմանազծված է չորս ազատ մույթերով, որոնք իրենց վրա կրում են կիսաքոլորակ կամարներ: Թղմբուկն ու գմբեթը ներսից երեսապատված են միջին մեծությամբ քարերի շատ կանոնավոր շարվածքով, որոնք կցված են շաղախին: Դրսից ութանկյուն թմբուկը երեսապատված է հղկված սպիտակ գույնի քարերով, որոնք անթերի կերպով իրար կըցված են շաղախի լցոնով: Թմբուկը միջին մասում գոտևորված է մի զարդագոտիով. մի պարզ կիսակլոր գոտի, որի վերևում փորված են մեղ լուսամուտներ: Լուսամուտի կամարը երիզող գոտին ինքնատիպ է ինչպես իր ընդհանուր լուծումով, այնպես էլ իր կառուցման տեխնիկայով: Այս գոտին ամբողջապես հորինված է միջին հաշվով 22—17 սմ. մեծությամբ սպիտակ քարերով, որոնք միմյանց միացած են երկաթե ճանկավոր մեխերով:

Արևելայն աքսիդի երկու կողմերում կան երկու փոքր սենյակներ, որոնք մի մեղ միջանցքով բացվում են կողմնական խորանների վրա: Դժբախտաբար անհնար եղավ մեզ մուտք գործել այդ սենյակները՝ դրանց անցքերը խափանված լինելով ծառերի հսկայական կոճերով: Հետևաբար այդ սենյակներին վերաբերող մեր կազմած հատակագիծը կարող է շատ անստույգ լինել: Սենյակները լուսավորված են քարակ լուսանցույցներով. նրանց վերևում, երկրորդ հարկի վրա, կան փոքր և մեղ ուրիշ սենյակներ, որոնք քարձրից բացվում են կողմնական խորանների վրա, որ մուտք գործելու որևէ միջոց չէր երևում:



Թորդանի եկեղեցին

Արևմտյան խորանների մեջ, հարավային կողմում, գտնվում է մի հետաքրքիր փոքր կառույց, աղյուսից պատրաստված մի տեսակ խորանի ամպրովանի՝ ծածկված գաջի հաստ ծեփով։ Դա անտարակույս յուրօրինակ մի զարդ է սուրբ Գրիգորի եմթադըրյալ գերեզմանի վերևում։

Թվագրում

Դժբախտաբար մենք ոչ մի արձանագրություն չգտանք այստեղ։ Եթե վստահելու լինենք եկեղեցու տիպաբանությանը, ապա նրա կառուցումը կարելի է թվագրել Թ դարի վերջին կամ Օ դարի սկզբին՝ նկատի ունենալով կողմնական երկհարկանի սենյակների առկայությունը։ Այսուհանդերձ, այս տիպի եկեղեցական շենքերը կարող են ետ գնալ մինչև Է դար, որովհետև բացառված չէ, որ վերոհիշյալ

սենյակները հետագա դարերի հավելումներ եղած լինեն։

Սերովքեից վանք կամ Սեբեավանք

Այս փոքր մենաստանը երբեմն կոչվել է նաև Քերովքեից վանք, իսկ տեղի գյուղացիների կողմից՝ Սերովքի վանքը։

Վանքը գտնվում է Կարադաղի հարավային զառիթափի ստորոտին՝ շուրջ 2000 մետր բարձրության վրա, Փերվիշայի վտակներից մեկի աջ ափին, թավգիներ քոմու յայլայում։

Պատմական տվյալներ

Ըստ ավանդության, այս վանքը հիմնադրվել է Ս. Գրիգորի կողմից այն վայրում, որտեղ նրան երևացել են երկու սերովքեների, որոնք եկել են հայտնելու նրան, թե

իր հոր գործած ոճիրը քավելու համար ծնկաչոք Երուսաղեմ գնալու իր ծրագրին Աստված հավանություն չի տալիս: Այն ժամանակ Լուսավորիչն իբր կոչել է՝ «Գոհանամ», և դրանից էլ լեռան գաղթափն ստացել է իր անունը:

Նկարագրություն

Փոքրիկ եկեղեցին վանքից դեռևս կանգուն մնացած միակ շինությունն է: Սա միանավ մի փոքրիկ մատուռ է կիսաքոյրակ մի թաղով, որ ամրացված է երկու որմնասյուների վրա նստած հենակամարով: Եկեղեցու միակ զարդաքանդակը մի խաչքար է, որ հյուսիսային մույթը զարդարում է երկրաչափական ոճավորում ունեցող մի պարզ խաչով:

Հայտնի է, թե ինչքան դժվար է նման պարզ հուշարձանների համար կառուցման ստույգ մի թվական ճշտել: Այսուհանդերձ, եկեղեցու ճակտոնների ճարտարապետական զարդարանքը, որը հուշում է հեռավոր մի ժամանակաշրջանի մասին, չի բացառում, որ եկեղեցին կարող է հիմնադրված լինել հսկա-արաքական ժամանակաշրջանում:

Սեպուռն լեռան գլխավոր վանքը (Ավագ վանք)

Այս վանքը նույնպես ծանոթ է տարբեր անուններով՝ Ս. Թադեոս Առաքելոյ վանք կամ պարզապես Առաքելոյ վանք և երբեմն էլ Ս. Թադեոս և Ս. Բարթողիմեոս Առաքելոց վանք, որովհետև ենթադրաբար այն հիմնվել է Ս. Թադեոս առաքյալի կողմից: Վանքը ծանոթ է եղել նաև Լուսավորչի անապատ անունով: Իսկ մահմեդականները այն կոչում են Դերե վանքը (Ձորավանք):

Այս վանքը, որ դեռևս բավականին լավ պահակում է, գտնվում է շուրջ 2000 մետր բարձրության վրա:

Պատմական տվյալներ

Ավանդությունն ասում է, որ վանքը հիմնադրել է Ս. Թադեոսը և որպես ժառանգություն թողել է իր որդուն: Բայց իրականում այն վկայված է միայն ԺԳ դարում: Վանքը եղել է գրչության և արվեստի կարևոր կենտրոն, որից պահպանվել են երկու նկարազարդ ձեռագրեր՝ 1201 թվականի ավետարանը (Երևանի Մատենադարան, ձեռագիր № 10359), որի նկարազարդմանը մասնակցել է նկարիչ Հովհաննեսը, և 1202 թվականի հռչակավոր

Մշո ճառընտիրը¹ (Երևանի Մատենադարան, ձեռագիր № 7729):

Ավագ վանքը դադարել է գործելուց 1230 թ. հավանաբար խուսարեզմի սուլթան Ջելալ-Էդդինի հրոսակախմբերի գործած ավերածությունների հետևանքով և վերսկսել է գործել միայն մեկ դար հետո վանքի վանահայր Մովսես վարդապետ Երզնկացու ջանքերով, որը կառուցել է տվել շրջափակի պարիսպը: Ավելի ուշ վանքը իր գործունեությունը շարունակել է մանավանդ Կիրակոսի առաջնորդության շրջանում (1366—1372): Սակայն, գրչության և արվեստի զարգացման տեսակետից, վանքի ամենածաղկուն ժամանակաշրջանը հղել է ԺԵ դարը, ինչ որ կարող է զարմանալի թվալ՝ նկատի ունենալով քաղաքական և ռազմական այն անիշխանական վիճակը, որ այդ ժամանակ տիրում էր երկրում: Շուրջ 1464 թ. վանքը իր ծաղկման գագաթնակետին է հասնում բազմաթիվ գիտնական վանականների շնորհիվ, երբ նաև շատ շինություններ վերանորոգվում և բարեկարգվում են Աստվածատուր Ջերմացի վարդապետի կողմից:

ԺԶ դարի վերջում Մաղաթիա Դերջանեցի վարդապետը այստեղ կառուցել է տալիս հարավային ժամատունը, վանական խուցեր և ծառայողական այլ շինություններ:

Նկարագրություն

Վանքից այժմ պահպանվել է միայն մի կոտ հուշարձանախումբ՝ բաղկացած երեք եկեղեցիներից: Վանական շենքերը, որոնց հետքերը հագիլ են երևում արևմրտյան և հարավային կողմում, հողին են հավասարվել, հետևաբար ավելորդ թվաց մեզ դրանց հատակագիծը կազմել:

ա. Ս. ԱՍՏՎԱԾԱԾԻՆ ԵԿԵՂԵՑԻՆ

Ճարտարապետություն

Այս եզակի հուշարձանն իր հատակագծով ու կառուցվածքով առանձնանում է մեզ ծանոթ մյուս բոլոր հայկական հուշարձաններից: Այն կազմված է գմբեթակիր մի ճավից, որի երկու կողքերին կան երկու ավանդատներ:

Հյուսիսայինը կողմնական մի գեղ միջանցքով բացվում է գլխավոր ճավի արևմրտյան մասում: Դա միանավ մի շինություն է երկայնական կիսաքոյրակ թաղով: Հարավայինը գրեթե համաչափ է նախորդին: Ամբողջը ներառնված է ազատ

խաչաձև մի շրջագծի մեջ, իսկ կից ավանդատների ծածկը նույնպես ունի ազատ խաչի ձև:

Նկատի ունենալով օգտագործված շինանյութը՝ կարելի է ասել, որ եկեղեցին խրճանաձևով է կառուցված, սակայն այստեղ չկա ո՛չ զարդաքանդակ, ո՛չ արձանագրություն:

Թվագրում

Եկեղեցու տիպաբանությունը շփոթություն է առաջացնում: Կարելի է ի հարկին այն մոտեցնել կողմնական ավանդատներով միանալ եկեղեցիների տիպին, որպիսիք գոյություն ունեն Արադեսում (Այուցիք) կամ Կիցան անապատում (Արցախ), բայց այստեղ նալն օժտված է գմբեթով, ինչպես միանալ գմբեթավոր բազիլիկները և մասնավորաբար ինչպես Սորբի Սուրբ Կարապետի վանքը: Տեղյակ չլինելով Արթիկի Ս. Աստվածածին եկեղեցու ճշգրիտ կառուցվածքին, մենք կարող ենք ընդհանուր կերպով խոսել միայն մասնությունների մասին:

Հուշարձանի շինության որակը, ազատ խաչի ձև ունեցող նրա արտաքին կառուցվածքը, տրոմպների առկայությունը, թմբուկի կտրատված անկյուններով ուղղանկյուն հատվածը, ահա այս բոլորը մեզ մղում են այս հուշարձանը դասել հին կառույցների շարքը, որի շինության թվականը, մեր կարծիքով, կարող է տեղադրվել նախա-արաբական ժամանակաշրջանում:

բ. Ս. ԹԱՂԵՆՈՍ ԿԱՄ Ս. ԱՌԱՔԵԼՈՑ
ԵԿԵՂԵՑԻՆ

Ճարտարապետություն

Այս եկեղեցին եռանալ մի բազիլիկա է շատ ամփոփ հատակագծով՝ բաղկացած երկու հատվածից: Կենտրոնական թևը շատ ավելի լայն է, քան կողմնական թևերը: Այն ծածկված է կիսաբոլորակ թաղով, մինչդեռ կողմնական թևերը ծածկված են կիսաթաղերով: Այս վերջինները գլխավոր թևից բաժանված են կիսաբոլորակ երկու կամարաշարքերով, որոնք հենված են կենտրոնում քառակուսի կտրվածքներով հաստահեղույս մույթերից դուրս երկարող հեմակների վրա: Ազատ մույթերից դուրս երկարող սյուների վրա հենված կրկնակամարները կայունացնում են երեք թևերը:

Գլխավոր աբսիդը որոշակիորեն պայտաձև է՝ կողավորված կիսաբոլորակ երկու հատվածներով, որոնցից խորը ընկած կի-

սաշրջանակաձե աբսիդը, որը լուսավորվում է մի փոքր լուսանցույցով, իրենից ներկայացնում է մի աստիճան, որով սրբիդը մի փոքր շեշտվում է սինթրոնոմի առկայության շնորհիվ:

Եկեղեցին չունի միատեսակ որակյալ կառուցվածք և իր վրա կրում է ձախող վերանորոգումների հետքերը, հատկապես հյուսիս-արևմտյան, հարավ-արևմտյան և հարավ-արևելյան անկյուններում, որտեղ քարը փոխարինվել է աղյուսով:

Արձանագրություններ

Հուշարձանը չունի միևնույն կամ արձանագրություն, սակայն պահպանված մյուս երեք արձանագրությունները թվագրված են՝

«Յամի 918 (=1469). ԳՐ[ի] Գ[ո]Ր... Գ...Ն»

«Յամի 913 (=1464)»

«Յամի 915 (=1466)»

Այս արձանագրություններից դուրս այլ փաստեր ակնկալել առայժմ հնարավոր չէ. 1464-ը հավանաբար կատարված մի վերանորոգման թվականն է: Տվյալ դեպքում եկեղեցու տիպաբանությունը մեզ այնքան էլ չի օգնում նրա կառուցման թվականը որոշելու տեսակետից, որովհետև նույնանման կամ մոտավոր հատակագիծ ունեցող հուշարձանների մեծ մասը ավելի ուշ շրջանի կառույցներ են (ԺԷ դար):

գ. Ս. ԿԱՐԱՊԵՏ ԵԿԵՂԵՑԻՆ

Այս մատուռը գտնվում է նախորդ երկու եկեղեցիների միջև, և նրա ներքնապատերը կազմված են այս վերջինների պատերից:

Ըստ հատակագծի, սա միանալ մի կառույց է կողմնական խորշերով, որոնք պսակված են կիսակամարներով: Մատուռը ծածկված է կիսաշրջանակաձև թաղով առանց հեմակամարի:

Ս. Կարապետ եկեղեցին կառուցված է մյուս երկու եկեղեցիներից հետո այնպիսի մի թվականի, որ թեև հնարավոր չէ ամենայն ճշտությամբ որոշել, բայց որ կարելի է տեղադրել ԺԱ և ԺԵ դարերի միջև:

ԿԱՊՈՍԻ ՎԱՆՔ ԿԱՄ Ս. ՀԱԿՈՒ ՄԾԲՆԱ
ՀԱՅՐԱՊԵՏԻ ՎԱՆՔ

Այս վանքը, որը կոչվում է նաև Գաբոսի վանք, այժմ հարևան գյուղի բնակիչներից ծանոթ է Սևիքե վանքը անունով:

Վանքը կառուցված է Սեպուհ լեռան արևելյան լանջին գտնվող խոտառատ մի

դարատալի վրա, Սոհաչայ կոչված գետակի ակունքների մոտ, շուրջ 2000 մետր բարձրության վրա:

Պատմական տվյալներ

Ավանդությունն այս վանքի հիմնադրումը վերագրում է Տրդատ Գ թագավորին, բայց վանքը պատմականորեն վկայված է միայն 1224 թ.³³: Այստեղ ԺԳ և ԺԴ դարերում արտագրվել են ձեռագիր մի քանի մատյաններ, իսկ ԺԵ դարում վանքը միաժամանակ դարձավ գրչության շատ կարելի կենտրոն և ունեցավ իր վանական դպրոցը, որտեղից դուրս եկան հռչակավոր վարդապետներ:

1425 թ. վանքը հրո ճարակ դարձավ, իսկ եկեղեցին կործանվեց Ակկոյունլու Կարա Յուլուք Օթմանի հրոսակների կողմից, բայց այդ բոլորը արագորեն վերանորոգվեց «առավել ևս շքեղ քան առաջ» և, բացի այդ, կառուցվեցին մի ժամատուն և վանական խուցեր:

Շուրջ 1500 թվականից սկսվեց անկման երկարատև մի շրջան, բայց ԺԷ դարում Կապուսի վանքը դեռևս համարվում էր այդ շրջանի ամենակարևոր վանքերից մեկը: 1684 թ. այն «գրեթե հիմնովին» վերանորոգման ենթարկվեց Ավետիք Եվդոկիացու կողմից:

Նկարագրություն

Անցյալում վանքը շրջափակված է եղել պարսպով և բաղկացած է եղել Սուրբ Հակոբ (Հակոբ Մծբնա Հայրապետի) եկեղեցուց, Սուրբ Սիոն եկեղեցուց, մի ժամատնից, մի զանգակատնից և վանական այլ շենքերից: Այսօր պահպանված է միայն Սուրբ Հակոբ եկեղեցին համեմատաբար լավ վիճակում:

Ա. ՍՈՒՐԲ ՀԱԿՈԲ ԵԿԵՂԵԾԻՆ

Մարտարապետություն

Եկեղեցին ունի արևմտյան երկու ազատ հենասյունների մեջ ներփակված խաչաձև հատակագիծ: Ներսից կլորացած թմբուկը, որ թվում է, թե դրսից էլ է կլորացած եղել, պացիկ է, և նրա վրա բարձրացած է կիսազնդաձև գմբեթը, որի դրսի վեղարաձև ծածկը անհետացել է: Աբսիդը հատակագծում զգալիորեն պայտաձև է: Նրա կողքերին կան կիսաբոլորակ կամարով երկու խորը թաղածածկ ավանդատներ: Կողմնական թևերն ունեն թեթևորեն բեկված կա-

մարներ. այդպիսին է նաև արևմտյան թևը, որի մեջ բացվում են երկու խորշեր:

Եկեղեցու ներքնամասը լուսավորվել է թմբուկի մեջ բացված աղեղնաձև չորս մեծ պատուհաններով, գլխավոր աբսիդի և երկու խորանների մեջ բացված մի ուրիշ պատուհանով, ինչպես նաև կողմնական թևերի և արևմտյան թևի մեջ գտնվող պատուհաններով, որոնք վաղուց որմավալվել են: Մուտքի դուռը գտնվում է արևմտյան կողմում:

Եկեղեցին կառուցված է միջին մեծությամբ բավականին կոպիտ քարերով, որոնք ամրացված են շաղախով, սակայն ներքնամասը երեսապատված է խնամքով, բացի կողմնական պատերից, որտեղ հաստ ծեփը ծածկում է մակերեսի անկանոնությունները:

Ջարդաքանդակները

Հուշարձանի ներքնամասն ունի բավականին հարուստ քանդակազարդում, մի բան, որ հազվագյուտ է Թուրքիայի այս մասում գտնվող հայկական հուշարձանների համար: Աբսիդն իրենից ներկայացնում է փոքրիկ քառակուսի ատամնազարդերից և սրածայր լեզվակներից բաղկացած մի քիվագոտի: Այս քիվագոտին երկարում է կողմնական թևերին կցված պատի վրա: Ներքևում, բայց միայն աբսիդում, կան իրար վրա դասավորված եռաթթակ տարածություններ: Հաղթականմար խոյակների արևմտյան երեսին քանդակված են հարսվից՝ դիմահայաց ցուլի մի գլուխ, իսկ հյուսիսից՝ քայլող մի ատյուն, որի գլուխը քանդակված է: Հուշարձանի մնացած մասում, աբսիդում անկատվող նույն քիվագոտին գտնվում է միայն կողմնական թևերի վրա: Ազատ մույթերն ունեն մի բուն, որի անկյունները երկանիստ են և որտեղից բարձրանում է «սելջուկյան մի շղթա»: Դրանց խոյակները հորինված են եռաշար մի դրվագազարդով. երկանիստ անկյուններ խորշիկների տակ, եռաթերթ խորշիկներ և սլարգ երկանիստ անկյուններ, որոնք օսմանյան տիպի շթաքարերի տեսք են տալիս նրան: Հարավային սյան հյուսիսային ճակատի ներքևի մասում երևում է մարդկային մի գլուխ ճակատային տեսքով: Սյան խարսխի վրա, շրջված ձևով, վերարտադրված է քիվագոտու նույն զարդաքանդակը:

Արևմտյան բարավորը համեմատաբար պարզ է: Աղեղնաձև դուռը ներգծված է սրանկյուն կամարի մեջ, որի ուղիղ մասերը ընդգծված են մի նրբագեղ սյունիկով:

Դուսն կամարածե հարթ տարածության վրա հղել է մի արձանագրություն, որ այժմ ջնջված է և որտեղ փորագրված է 1480 թվականը:

Թվագրում

Այս եկեղեցու կառուցման ժամանակին վերաբերվող բազմաթիվ տվյալներ կան, բայց դրանցից ոչ մեկը հստակ չէ, իսկ մի քանիսն էլ թվում է, թե հակասում են միմյանց:

ա. Դրական մի շարք հիշատակագրեր տեղեկացնում են մեզ, որ եկեղեցին հըրդեհվել է 1425 թվականին և քիչ ժամանակ անց՝ վերակառուցվել: Բացի այդ, հիշատակագրերից իմանում ենք, որ 1884 թվականին այն ենթարկվել է վերանորոգման, բայց թե ի՞նչ չափի վերանորոգում է եղել այդ, հայտնի չէ:

բ. Արևմտյան բարավորի վրա փորագրված է եղել 1480 թվականը, սակայն այժմ այդ քարն անհետացած է: Եկեղեցու արևելյան ճակատին մի ուխտավոր փորագրել է մի քանի խաչեր և 1587, որը նշում է կառուցման հուսալի թվականը:

գ. Արևմտյան երկու ազատ հենասյունների մեջ ներգծված խաչաձև հատակագիծն ավելի շուտ հատուկ է հունական և վրացական ճարտարապետությանը և հանդես է գալիս սկսած ԺԱ դարից: Հայաստանում այն շատ տարածված չի եղել: Այդպիսի հատակագծի մենք հանդիպում ենք մանավանդ Վասպուրականում ավելի ուշ ժամանակաշրջաններում կառուցված եկեղեցիներում, բացի Արեւիկի Սուրբ Աստվածածին եկեղեցուց, որը կառուցվել է 1821 թվականին³⁴:

Աբսիդի՝ հատակագծից զգալիորեն դուրս երկարած լինելու հանգամանքը չպետք է համարել հնության ապացույց, որովհետև այդպիսիք հաճախ պատահում են ուշ շրջանի հուշարձաններում:

դ. Արևելյան արսիդի եռաբլթակ շրջանակների կրկնակի եզրագարդը հայկական արվեստի ինքնատիպ դրսևորումներից մեկն է, որին մենք հանդիպում ենք միայն ԺԴ և ԺԵ դարերի մուսուլմանական արվեստում. օրինակ՝ Հալիմե Խաթուն իշխանուհու թյուրքե-ի ծածկի վրա Գևասում (Վասպուրական) (1858 թ.)³⁵ և մանավանդ Սեյիդ Յալա Բաքուլի իշխանի թյուրքե-ի գմբեթի ներքնամասում, Աիրվանի իշխանական պալատում (Բաքու), ԺԵ դար³⁶:

Աբսիդի քիվը, ազատ սյուների խոյակ-

ների և դրանց խարսխի զարդաքանդակները իրենց հավասարը չունեն հայկական արվեստում, բացի Արծկեի Աքանչեյագործի վանքի եկեղեցու ազատ սյուների խոյակների զարդարանքից, այն եկեղեցու, որի կառուցման թվականը հայտնի չէ, բայց որը հաստատապես հիմնովին վերանորոգվել է 1648 թվականի³⁷ երկրաշարժից հետո: Սրանց մոտիվը մոտենում է օսմանյան տիպի շթաքարերի մոտիվին, առանց դրա զարգացումն ունենալու, բայց իր գծային հորինվածքով և իր պարզությամբ հիշեցնում է մասիա-արաբական ժամանակաշրջանի հայկական քառակուսի փոքրիկ տաճարագարդերը: Մահմեդական երկրում դրան մոտեցող ձևերի հանդիպում ենք ԺԵ դարում Սիրվանի պալատի Դիվան Խանեի շթախուռքի վրա, որի մասին խոսեցինք վերևում:

Դժվար է այժմ եզրակացություն անել: Կարծում ենք, որ եկեղեցու գեղագարդումը մտահղացվել և իրականացվել է ԺԵ դարի կեսերին, բայց ԺԵ դարի վերջում կատարված վերանորոգումը մտածել է տվել մաս ազատ սյուների մասին, որոնք հավանաբար մասապես քանդակագործվել էին արծվի և մարդու խորհրդապատկերներով: Այս վերջին վերարտադրված գեղագարդումը իրականացվել է ավելի կոպիտ ձևով: Խոյակները մույնպես հավանաբար ունեցել են մի քիչ ավելի բարդ զարդարանք, քան քիվինը:

Բ. ԺԱՄԱՏՈՒՆԸ (1425 Թ.)

Եկեղեցու արևմտյան ճակատի առջևում դեռևս երևում են հողին հավասարված ժամատան պատերը: Սա մի մեծ և ընդարձակ կառույց է եղել, որի ներքին հորինվածքը անհնար է գուշակել:

Գ. ՍՈՒՐԲ ՍԻՈՆ ԵԿԵՂԵՑԻՆ

Այս եկեղեցին, որի մասին վկայում են հիշատակարանները, հավանաբար գտնվում էր մախորդի հարավային կողմը: Համենայն դեպս այդտեղ է, որ նկատվում է հնարավոր մի արսիդի շրջագիծը: Ամենայն հավանականությամբ սա եղել է միանավ մի եկեղեցի, որի մասին դժբախտաբար ավելի բան ասել չենք կարող:

Դ. ՊԱՐԻՍՊԸ

Վանքի պարիսպը որոշակիորեն երևում է արևելյան կողմում և մասամբ միայն

պահպանված է այլուր: Մուտքի դուռը գտնվում էր արևմտյան պատի հյուսիսային մասում: Հյուսիսային պատի երկայնքին նկատվում են վանական խուցերի և գուցե այն երկհարկանի շենքի հետքերը,

որի մասին վկայում են անցյալ դարի ճանապարհորդները:

**Ֆրանսերենից թարգմանեց
ՊԱՐԳԵՎ ՇԱՀԱՍՋՅԱՆԸ**

ԾԱՆՈԹԱԳՐՈՒԹՅՈՒՆՆԵՐ

1. Մովսես Խորենացի, Պատմություն հայոց (Գ, էջ 91 [Լանգուա 1869 թ., էջ 180]):
2. E. Boré, Correspondance . . . Mémoires d'un voyageur en Orient, Paris. 1840. p. 4—33.
3. Դ. Հակոբյանց, Սեպուր լեռան սրբավայրեր, «Արարատ», 1901 թ., էջ 882—885. Ե. Փերտաբյանց, Դարանաղյաց գավառ, «Սիոն», 1927 թ., էջ 211—214. Գ. Սյուրմենյան, Երզնկա, 1947 թ., Կահիրե, էջ 88—90:
4. «Արարատ», 1898 թ., էջ 218. «Հյուզանդիոն», 1900 թ. (№ 1087), 1902 թ. (№ 1880, 1720). «Արևելք», 1886 թ. (№ 853). տես նաև Գ. Էփրիկյան, Պատկերազարդ բնաշխարհիկ քառարան, Վենետիկ, 1903 թ., Լ. Ոսկյան, Բարձր-Հայքի վանքերը, Վիեննա, 1951 թ., էջ 1—51:
5. Դարանաղյաց գավառը գրավում էր Եփրատի ավազանը, Երզնկայի և Կամախի կիրճերի միջև, մայրաքաղաք ունենալով Անի-Կամախը: Դարանաղիք նշանակում է «աղուտներ». և, հիրավի, քաղաքի վ աղուտներ դեռևս գոյություն ունեն Կամախի (Տուզլա) հյուսիս-արևելյան կողմում: Տես Լ. Ինճիճյան, Ստորագրություն հին Հայաստանյայց, Վենետիկ, 1822 թ., էջ 8. Լ. Հյուբշման, Die altarmenischen Ortsnamen, Strasbourg, 1904, 288—284, 421. Գ. Էփրիկյան, Պատկերազարդ բնաշխարհիկ քառարան, Վենետիկ, 1903 թ., հատ. Ա, էջ 588—589. Ս. Երեմյան, Հայաստանը ըստ «Աշխարհացույցի», Երևան, 1983 թ., էջ 49: Եկեղյաց (եկեղեցիների) գավառը (հունարեն՝ Ակիլիսենն [Ստրաբոն, Պտղոմեոս], Էկեկսենն [Պրոկոպիոս], Կեկեցեն, ապա նաև՝ Անախիս խորա, Անախիկա [Պլինիոս]) գտնվում է նախորդի վերևի կողմը և գրավում է Երզնկայի ավազանը. տես Գ. Էփրիկյան, Պատկեր, բնաշխ. քառարան, հատ. Ա, էջ 870—871. Ս. Երեմյան, նույն աշխ., էջ 50: Երեզ կամ Երզնկայ, Երզնկա, այժմ՝ Երզնկան. տես Գ. Էփրիկյան, նույն աշխ., հատ. Ա, էջ 854—884. նաև՝ Էրզնկյան. տես Encyclopédie de l'Islam, nouvelle éd., Paris—Leyde (en cours): Հնադարյան Անիի չափերը և շիրթերը համաձայն միջնադարյան Անի քաղաքի հետ, որը գտնվում է Արփաչայի վրա: Քամախ անունը (թուրքերեն՝ Գեմախ) նա ստացել է հետագայում:
6. Դարանաղյան (տես «Ժամանակագրություն», հրատ. Մ. Նշանյան, Երուսաղեմ, 1915 թ., էջ 511) այստեղ ակնարկում է Սեպուր լեռան նվիրված Սուրբ Գրիգոր Լուսավորչի շարականին (տես «Ժարական հոգևոր երգոց», Երուսաղեմ, 1988 թ., էջ 278—281): Տեղական ավանդությունը Սեպուր լեռան վերագրում էր 24 վանք և եկեղեցի:
7. Encyclopédie de l'Islam, տես R. MAKHL Դասակարգված. հատ. E. Honigsmann, Die Ostgrenze des Byzantinischen Reiches..., Bruxelles. 1935. p. 55—57.
8. R. Grousset, l'Empire des Steppes..., Paris, 1948, p. 325. տես նաև 1229 թվականը կրող մի ձեռագրի հիշատակարանը, Մատենադարան, Երևան, ձեռ. № 8189 (Մ. Մաթևոսյան, Հայերեն ձեռագրի հիշատակարանը, Մատենադարան, Երևան, 1984 թ., էջ 160):
9. Վանի ձեռագիր (Հայերեն ձեռագրերի հիշատակարաններ, ԺԵ դար, հատ. Ա, էջ 343—344) և Վիեննա, ձեռ. № 7 (հայերեն ձեռագիր հիշատակարաններ, ԺԵ դար, հատ. Ա, էջ 496):
10. Երևան. Մատենադարան, ձեռ. № 5223 (նույնը, էջ 846):
11. Encyclopédie de l'Islam, տես DIALALI Դասակարգված (հավելվածում):
12. Նյութի նորության, տեղանքի ներկայացրած դժվարությունների և տեղեկատու ավելորդների սակավության պատճառով մենք չէինք կարողանալ իր ավարտին հասցնել մեր սույն հետազոտությունը, եթե չստանայինք այն օգնությունը, որ բարեհաճեցին մեզ ցույց տալ տիկ. տիկ. Ն. Թիերին և Ա. Գալիցիին հենց տեղում, պր. պր. Ն. Մելիք-Հակոբյանցը և Տասնապետյանը՝ մատենագրական հետազոտությունների գծով, Ա. Պրալունգ-Տայերը՝ քարտեզագրական նյութերով, առանց մոռանալու օր. Սիրարփի Տեր-Ներսեսյանին, պր. պր. Ժան-Պիեռ Մահեին և Մ. Վան Էսթրոնկին, որոնք իրենց թանկագին խորհուրդներով օժանդակեցին մեր աշխատանքին: Բոլորին հայտնում ենք այստեղ մեր ջերմ շնորհակալությունները:
13. Տեղական արտասանություն: Բառի ճիշտ ուղղագրությունն է Տուռնա կալե (=կոունկների դղյակ):
14. Synaxaire de Ter Israel, Ed. et tra. G. Bayan էջ 588—589 [PO, 16, 1 (1978 թ.) էջ 88—87]: Ենթե է նշել, որ այս լեռան գաղութափերին գիհի կամ գի (Juniperus communis) չի աճում, այլ՝ կենսաքար կամ կենսեհի (Thuya orientalis). որի հնագույն տեսակներն ունեն աղյատ օդում մասամբ տարածված և իրարից անջատված

- արմատներ, որոնք իրոք կարող էին իրենց մեջ պատսպարել փոքրահասակ մի մարդու:
15. Ավգերյան, Լիակատար վարք և վկայաբանություն սրբոց, Վենետիկ, 1810—1815, հատ. Գ, էջ 355:
16. Լ. Պերպերյան, Վարդան վարդապետ, «Աշխարհացույց», Փարիզ, 1980 թ., էջ 22, 45—46:
17. Վարդան Արևելցու «Աշխարհացույցի» կարճ տարբերակում ասվում է, որ խաչի վերածված սուրը պիտի ծառայի որպես նշան միաբանության՝ ազատագրելու համար հայ ժողովրդին, իսկ երկար տարբերակում հստակորեն նշված է, որ թողություն պիտի լինի ֆրանգների:
18. Аг] В № 3: Сбу Лаврентий, мѣсяцъ азѣи. 1869 г. էջ 91. М. Brosset, Collection d'Historiens Arméniens, St. Pétersbourg, 1876, p. 498. Synaxaire, 30 IX [PO].
19. Saint-Martin, Histoire d'Arménie par le patriarche Jean V, Paris, 1841, p. 236.
20. Հայերեն ձեռագրերի հիշատակարաններ, ԺԵ դար, հատ. Ա, էջ 496:
21. Հարկավոր է մեկնողմիշտ ճշտել, որ մեր հատակագծերը կազմվել են շատ հապճեպ, անբարենպաստ պայմաններում և հետևաբար չեն կարող ներկայացնել կատարյալ ճշգրտություն:
22. Թեև թուրքերեն Ձանկըն վանքը անունը, որը վկայում է մի զանգակատան գոյության մասին, թույլ է տալիս ենթադրել վերևում կարևոր մի շինվածքի վերացումը, որն անկասկած վերաբերում է մի բարձր զանգակամարի:
23. Հյուսիսային կողմում չկա սիմետրիկ անցք:
24. МАК. 13 = В. Сыкоев и X. Кючюк — Исследования, Материалы по Археологии Кавказа 13 Москва, 1916 г., стр. 103—104.
25. G. Millet, L'école grecque dans l'architecture byzantine, Paris, 1916, p. 43—45.
26. 1906 թվականին նրա վիճակի մասին տես Գ. Սյուրմենյան, նույն աշխ., էջ 90:
27. Տես Հովհաննես կաթողիկոս Դրասխանակերտցու պատմածը (Saint-Martin, նույն աշխ., էջ 285):
28. M. van Esbroeck, Un nouveau témoin du livre d'Agathange, Revue des Etudes Arméniennes, 8, 1971, p. 95 161—162.
29. Դ. Հակոբյան, նույնը, 1901 թ., էջ 382:
30. Langlois, Collection des Historiens Anciens et Modernes de l'Arménie, Paris, 1867, vol. 1, p. 120 132—133.
31. Մ. Մաթևոսյան, Հայերեն ձեռագրերի հիշատակարաններ, ԺԳ դար, էջ 149—154:
32. Տես Երևանի Մատենադարանի 1229 թ. № 6169 ձեռագրի հիշատակարանը (Մ. Մաթևոսյան, նույն աշխ., էջ 160, ինչպես նաև R. Grousset, նույն աշխ., 1948 թ., էջ 325:
33. Վիեննայի № 200 ձեռագրում (Հայերեն ձեռագրերի հիշատակարաններ, ԺԲ դար, էջ 141) կա մի վկայություն, որտեղ նշված է Վարդան անունով մի վանականի մասին:
34. M. Thierry Monastères Arméniens du Vaspurakan. VI, Revue des Etudes Arméniennes, 1972 p. p. 145—146 Արևիի եկեղեցու մասին չկա անարտաբանական ուսումնասիրություն: Մեր շնորհակալությունն ենք հայտնում պր. Պ. Կունեյին, որը մեզ ծանոթացրեց իր կազմած անտիպ հատակագծին:
35. O. As'apa, Yüzillər boyunca türk sanatı, (14 yüzil). s. 1, 1977, p. 98. T. Talbot Rice, 1961 p., էջ 263:
36. O Aslanapa, Kırım ve Kuzey Azerbaycan'da türk eserleri, İstanbul, 1978, էջ 39—44:
37. M. Thierry, նույն աշխ., 1972 թ., էջ 138—6:

